



An Bhruiséil, 10 Meitheamh 2021
(OR. en)

9594/21

Comhad Idirinstitiúideach:
2019/0001/A(COD)

CODEC 853
IXIM 112
FRONT 225
VISA 127
SIRIS 58
COPEN 260
COMIX 315
PE 67

NÓTA FAISNÉISE

ó:	Ardrúnaíocht na Comhairle
chuig:	Coiste na mBuanionadaithe/An Chomhairle
Ábhar:	Togra le haghaidh RIALACHÁN Ó PHARLAIMINT NA hEORPA AGUS ÓN gCOMHAIRLE lena mbunaítear na coinníollacha le rochtain a fháil ar na córais faisnéise eile de chuid an Aontais Eorpaigh agus lena leasaítear Rialachán (AE) 2018/1862 agus Rialachán (AE) 2019/816 – An toradh ar an gcéad léamh i bParlaimint na hEorpa (Strasbourg, an 7 go dtí an 10 Meitheamh 2021)

I. RÉAMHRÁ

I gcomhréir le forálacha Airteagal 294 CFAE agus an dearbhú comhpháirteach maidir le socruithe praiticiúla do nós imeachta na comhchinnteoireachta¹, bhí roinnt teagmhálacha neamhfhoirmiúla ann idir an Chomhairle, Parlaimint na hEorpa agus an Coimisiún d'fhoneamh teacht ar chomhaontú faoin gcomhad seo ar an gcéad léamh.

Sa chomhthéacs sin, thíolaic cathaoirleach an choiste, Juan Fernando LÓPEZ AGUILAR (S&D, ES), leasú comhréitigh (leasú uimhir 42) ar an togra thuasluaite le haghaidh rialacháin thar ceann an Choiste um Shaoirsí Sibhialta, um Cheartas agus um Ghnóthaí Baile (LIBE). Is le linn na dteagmhálacha neamhfhoirmiúla dá dtagraítear thuas a comhaontaíodh an leasú sin.

¹ IO C 145, 30.6.2007, lch. 5.

II. VÓTÁIL

Nuair a vótáil an suí iomlánach an 7 Meitheamh 2021, ghlac sé an leasú comhréitigh (leasú uimhir 42) ar an togra thuasluaite le haghaidh rialacháin. Is é atá sa togra ón gCoimisiún arna leasú amhlaidh an seasamh ón bParlaimint ar an gcéad léamh, atá le fáil ina rún reachtach am 8 Meitheamh 2021, mar a leagtar amach san Iarscríbhinn a ghabhann leis seo é².

Léirítear leis an seasamh ón bParlaimint an méid a comhaontaíodh roimhe sin idir na hinstitiúidí. Dá bhrí sin, ba cheart go mbeadh an Chomhairle in ann an seasamh ón bParlaimint a fhormheas.

D'fhéadfaí an gníomh a ghlacadh ina dhiaidh sin san fhoclaíocht a fhreagraíonn don seasamh ón bParlaimint.

² Rinneadh an leagan sin den seasamh ón bParlaimint atá le fáil sa rún reachtach a mharcáil chun na hathruithe a léiriú a rinneadh de bharr na leasuithe ar an togra ón gCoimisiún. Is le **cló trom agus cló iodálach** a aibhsítear aon ní a cuireadh leis an téacs ón gCoimisiún. Is leis an tsiombail '■' a léirítear téacs a scriosadh.

P9_TA(2021)0263

Leasuithe iarmhartacha ETIAS: comhar póilíneachta agus breithiúnach *I**

Rún reachtach ó Pharlaimint na hEorpa an 8 Meitheamh 2021 ar an togra le haghaidh rialachán ó Pharlaimint na hEorpa agus ón gComhairle lena mbunaítear na coinníollacha maidir le rochtain a fháil ar chórais faisnéise AE eile agus lena leasaítear Rialachán (AE) 2018/1862 agus Rialachán (AE) 2019/816 (COM(2019)0003 – C8-0025/2019 – 2019/0001A(COD))

(An gnáthnós imeachta reachtach: an chéad léamh)

Tá Parlaimint na hEorpa,

- ag féachaint don togra ón gCoimisiún chuig Parlaimint na hEorpa agus chuig an gComhairle (COM(2019)0003),
 - ag féachaint do chinneadh ó Chomhdháil na nUachtarán an 11 Feabhra 2021 á údarú don Choiste um Shaoirsí Sibhialta, um Cheartas agus um Ghnóthaí Baile an togra thuasluaite ón gCoimisiún a dheighilt agus dhá thuarascáil reachtacha ar leithligh a tharraingt suas bunaithe ar an togra sin,
 - ag féachaint d’Airteagal 294(2), d’Airteagal 82(1) agus d’Airteagal 87(2)(a) den Chonradh ar Fheidhmiú an Aontais Eorpaigh, ar dá mbun a thíolaic an Coimisiún an togra do Parlaimint na hEorpa (C8-0025/2019),
 - ag féachaint d’Airteagal 294(3) den Chonradh ar Fheidhmiú an Aontais Eorpaigh,
 - ag féachaint don chomhaontú sealadach a d’fhormheas an coiste freagrach faoi Riail 74(4) dá Rialacha Nós Imeachta agus don gheallúint a thug ionadaí na Comhairle i litir dar dáta an 31 Márta 2021 go ndéanfadh sí seasamh Parlaimint na hEorpa a fhormheas, i gcomhréir le hAirteagal 294(4) den Chonradh ar Fheidhmiú an Aontais Eorpaigh,
 - ag féachaint do Riail 59 dá Rialacha Nós Imeachta,
 - ag féachaint don tuarascáil ón gCoiste um Shaoirsí Sibhialta, um Cheartas agus um Ghnóthaí Baile (A9-0254/2020),
1. ag glacadh a seasaimh ar an gcéad léamh faoi mar a leagtar amach anseo ina dhiaidh seo é;
 2. á iarraidh ar an gCoimisiún an t-ábhar a tharchur chuig Parlaimint na hEorpa arís má dhéanann sé téacs eile a chur in ionad a thogra, má dhéanann sé a thogra a leasú go substaintiúil nó má tá sé ar intinn aige a thogra a leasú go substaintiúil;
 3. á threorú dá hUachtarán a seasamh a chur ar aghaidh chuig an gComhairle, chuig an gCoimisiún agus chuig na parlaimintí náisiúnta.

Seasamh ó Pharlaimint na hEorpa arna ghlacadh ar an gcéad léamh an 8 Meitheamh 2021 chun go nglacfaí Rialachán (AE) 2021/... ó Pharlaimint na hEorpa agus ón gComhairle **■** lena leasaítear *Rialacháin* (AE) 2018/1862 agus (AE) 2019/818 a mhéid a bhaineann leis na coinníollacha a bhunú chun rochtain a fháil ar chórais faisnéise AE eile chun críocha an Chórais Eorpaigh um Fhaisnéis agus Údarú Taistil

TÁ PARLAIMINT NA hEORPA AGUS COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe *pointe (a)* d'Airteagal 87(2) **■** de,

Ag féachaint don togra ón gCoimisiún Eorpach,

Tar éis dóibh an dréachtghníomh reachtach a chur chuig na parlaimintí náisiúnta,

■

Ag gníomhú dóibh i gcomhréir leis an ngnáthnós imeachta reachtach³,

³ Seasamh ó Pharlaimint na hEorpa an 8 Meitheamh 2021.

De bharr an mhéid seo a leanas:

- (1) Le Rialachán (AE) 2018/1240 ó Pharlaimint na hEorpa agus ón gComhairle⁴, bunaíodh an Córas Eorpach um Fhaisnéis agus Údarú Taistil ('ETIAS') le haghaidh náisiúnaigh tríú tír atá díolmhaithe ón gceanglas víosa a bheith ina seilbh acu agus teorainneacha seachtracha an Aontais á dtrasnú acu. Leagadh síos sa Rialachán sin na coinníollacha agus na nósanna imeachta chun údarú taistil a eisiúint nó a dhiúltú *faoi ETIAS*.
- (2) Le ETIAS, cumasaítear a mheas an mbeadh riosca slándála, riosca inimirce neamhdhlíthiúla nó ardriosca eipidéime ann de dheasca na náisiúnaigh tríú tír sin a bheith ar chríoch na mBallstát.
- (3) Chun gur féidir le Lárchóras ETIAS *comhaid iarratais a phróiseáil* dá dtagraítear i ■ Rialachán (AE) 2018/1240, is gá an idir-inoibritheacht a bhunú *idir Córas Faisnéise ETIAS, ar thaobh amháin, agus an Córas Dul Isteach/Imeachta ('EES'), an Córas Faisnéise Viosai ('VIS'), Córas Faisnéise Schengen ('SIS'), Eurodac agus an Córas Faisnéise Eorpach um Thaifid Choiriúla - Náisiúnaigh Tríú Tír ('ECRIS-TCN') ('córais faisnéise AE eile') agus sonraí Europol* mar a shainmhínítear sa ■ Rialachán sin ('sonraí Europol'), ar an taobh eile. ■

⁴ Rialachán (AE) 2018/1240 ó Pharlaimint na hEorpa agus ón gComhairle an 12 Meán Fómhair 2018 lena mbunaítear Córas Eorpach um Fhaisnéis agus Údarú Taistil (ETIAS) agus lena leasaítear Rialacháin (AE) Uimh. 1077/2011, (AE) Uimh. 515/2014, (AE) 2016/399, (AE) 2016/1624 agus (AE) 2017/2226 (IO L 236, 19.9.2018, lch. 1).

- (4) Leis an Rialachán seo, in éineacht le Rialacháin (AE) 2021/...⁵⁺ agus (AE) 2021/...⁶⁺⁺ ó Pharlaimint na hEorpa agus ón gComhairle, leagtar síos rialacha maidir leis an idir-inoibritheacht a chur chun feidhme idir Córas Faisnéise ETIAS, ar thaobh amháin, agus córais faisnéise AE eile agus sonraí Europol, ar an taobh eile, agus na coinníollacha faoina bhféadfaidh ETIAS sonraí a stóráiltear i gcórais faisnéise AE eile agus sonraí Europol a cheadú chun críche amais a shainaithint go huathoibríoch. Dá thoradh sin, is gá leasú a dhéanamh ar Rialacháin ■ (AE) 2018/1862 ■⁷ agus (AE) **2019/818⁸ ó Pharlaimint na hEorpa agus ón gComhairle** chun Lárchóras ETIAS a nascadh le córais faisnéise AE eile agus le sonraí Europol agus chun na sonraí a sheolfar idir na córais faisnéise AE sin agus sonraí Europol a shonrú.

⁵ Rialachán (AE) 2021/... ó Pharlaimint na hEorpa agus ón gComhairle an ... lena leasaítear Rialacháin (AE) 2019/816 agus (AE) 2019/818 a mhéid a bhaineann leis na coinníollacha a bhunú chun rochtain a fháil ar chórais faisnéise AE eile chun críocha an Chórais Eorpaigh um Fhaisnéis agus Údarú Taistil (IO L ...).

⁺ IO: Cuir isteach sa téacs, le do thoil, uimhir an Rialacháin atá i ndoiciméad PE 16/21 (2019/0001B (COD)) agus cuir isteach san fhonóta an uimhir, dáta agus tagairt IO.

⁶ Rialachán (AE) 2021/... ó Pharlaimint na hEorpa agus ón gComhairle an ... lena leasaítear Rialacháin (CE) Uimh. 767/2008, (AE) 2017/2226, (AE) 2018/1240, (AE) 2018/1860, (AE) 2018/1861 agus (AE) 2019/817 a mhéid a bhaineann leis na coinníollacha a bhunú chun rochtain a fháil ar chórais faisnéise AE eile chun críocha an Chórais Eorpaigh um Fhaisnéis agus Údarú Taistil (IO L ...).

⁺⁺ IO: cuir isteach sa téacs, le do thoil, uimhir an Rialacháin atá i ndoiciméad PE 17/21 (2019/0002 (COD)) agus cuir isteach san fhonóta an uimhir, dáta agus tagairt IO.

⁷ Rialachán (AE) 2018/1862 ó Pharlaimint na hEorpa agus ón gComhairle an 28 Samhain 2018 maidir le Córas Faisnéise Schengen (SIS) a bhunú, a oibriú agus a úsáid i réimse an chomhair póilíneachta agus an chomhair bhreithiúnaigh in ábhair choiriúla, lena leasaítear agus lena n-aisghairtear Cinneadh 2007/533/CGB ón gComhairle agus lena n-aisghairtear Rialachán (CE) Uimh. 1986/2006 ó Pharlaimint na hEorpa agus ón gComhairle agus Cinneadh 2010/261/AE ón gCoimisiún (OJ L 312, 7.12.2018, p. 56).

⁸ ***Rialachán (AE) 2019/818 ó Pharlaimint na hEorpa agus ón gComhairle an 20 Bealtaine 2019 maidir le creat a bhunú le haghaidh idir-inoibritheacht idir córais faisnéise AE i réimse an chomhair póilíneachta agus an chomhair bhreithiúnaigh, an tearmainn agus na himirce agus lena leasaítear Rialacháin (AE) 2018/1726, (AE) 2018/1862 agus (AE) 2019/816 (IO L 135, 22.5.2019, lch. 85).***

- (5) A mhéid a bhaineann le cur chun feidhme na hidir-inoibritheachta le Eurodac, i gcomhréir le Rialachán (AE) 2018/1240, glacfar na leasuithe iarmhartacha is gá a luaithé a ghlacfar athmhúnlú Rialachán (AE) Uimh. 603/2013 ó Pharlaimint na hEorpa agus ón gComhairle⁹.

- (6) ***Leis an Tairseach Chuardaigh Eorpach (ESP), a bunaíodh le Rialachán (AE) 2019/817 ó Pharlaimint na hEorpa agus ón gComhairle¹⁰ agus le Rialachán (AE) 2019/818, beifear in ann cuardach a dhéanamh go comhuaineach ar na sonraí a stóráiltear in ETIAS agus na sonraí a stóráiltear i gcórais faisnéise AE eile lena mbaineann.***

- (7) Ba cheart socrúithe teicniúla a bhunú chun go mbeidh ETIAS in ann a fhíorú, go rialta agus go huathoibríoch, i gcórais faisnéise AE eile cé acu atá nó nach bhfuil na coinníollacha maidir le comhaid iarratais a choinneáil, a leagtar síos i Rialachán (AE) 2018/1240, fós á gcomhlíonadh.

⁹ Rialachán (AE) Uimh. 603/2013 ó Pharlaimint na hEorpa agus ón gComhairle an 26 Meitheamh 2013 maidir le bunú “Eurodac” chun méarloirg a chur i gcomparáid lena chéile ar mhaithe le cur i bhfeidhm éifeachtach Rialachán (AE) Uimh. 604/2013 lena mbunaítear na critéir agus na sásraí lena gcinntear cé acu Ballstát atá freagrach as scrúdú a dhéanamh ar iarratas ar chosaint idirnáisiúnta arna thaisceadh i mBallstát ag náisiúnach tríú tír nó ag duine gan stát agus maidir le hiarrataí ó údaráis forfheidhmithe dlí na mBallstát agus ó Europol ar chomparáidí le sonraí Eurodac chun críocha fhorfheidhmiú an dlí, agus lena leasaítear Rialachán (AE) Uimh. 1077/2011 lena mbunaítear Gníomhaireacht Eorpach le haghaidh bainistiú oibríochtúil córas TF ar mhórsála sa limistéar saoirse, slándála agus ceartais (IO L 180, 29.6.2013, lch. 1).

¹⁰ Rialachán (AE) 2019/817 ó Pharlaimint na hEorpa agus ón gComhairle an 20 Bealtaine 2019 maidir le creat a bhunú le haghaidh idir-inoibritheacht idir córais faisnéise AE i réimse na dteorainneacha agus na víosaí agus lena leasaítear Rialachán (CE) Uimh. 767/2008, (AE) 2016/399, (AE) 2017/2226, (AE) 2018/1240, (AE) 2018/1726 agus (AE) 2018/1861 ó Pharlaimint na hEorpa agus ón gComhairle agus Cinntí 2004/512/CE agus 2008/633/CGB ón gComhairle (IO L 135, 22.5.2019, lch. 27).

- (8) Is féidir údaruithe taistil de chuid ETIAS a chúlghairm tar éis foláirimh nua a iontráil in SIS maidir le cead isteach agus fanacht a dhiúltú, nó tar éis foláirimh nua a iontráil in SIS maidir le doiciméad taistil ar tuairiscíodh gur cailleadh, gur goideadh, gur mídhílsíodh nó gur neamhbhailíodh é. Chun go gcuirfidh SIS Lárchóras ETIAS ar an eolas go huathoibríoch faoi fholáirimh nua den sórt sin, ba cheart próiseas uathoibríthe a bhunú idir SIS agus ETIAS.

I

- (9) Na coinníollacha, *lena n-áirítear cearta rochtana*, faoina bhfuil Láraonad ETIAS agus Aonaid Náisiúnta ETIAS in ann na sonraí a stóráiltear i gcórais faisnéise AE eile a cheadú chun críocha EITAS, ba cheart iad a choimirce le rialacha soiléire, beachta maidir leis an rochtain atá ag Láraonad ETIAS agus ag Aonaid Náisiúnta ETIAS ar na sonraí a stóráiltear i gcórais faisnéise AE eile, maidir leis na cineálacha cuardach agus maidir leis na catagóirí sonraí, agus ba cheart an méid sin go léir a theorannú don mhéid atá fíor-riachtanach chun a gcuid dualgas a fheidhmiú. Ar an dul céanna, níor cheart na sonraí a stóráiltear i gcomhaid iarratais ETIAS a bheith le feiceáil ach ag na Ballstáit sin a oibríonn na córais faisnéise fholuiteacha i gcomhréir leis na socruithe dá gcuid rannpháirtíochta.
- (10) De bhun  Rialachán (AE) 2018/1240, tá Gníomhaireacht an Aontais Eorpaigh chun Bainistiú Oibríochtúil a dhéanamh ar Chórais Mhórscála TF sa Limistéar Saoirse, Slándála agus Ceartais (eu-LISA), a bunaíodh le Rialachán (AE) 2018/1726 ó Pharlaimint na hEorpa agus ón gComhairle¹¹, le bheith freagrach as céim dheartha agus forbartha Chórais Faisnéise ETIAS.

¹¹ Rialachán (AE) 2018/1726 ó Pharlaimint na hEorpa agus ón gComhairle an 14 Samhain 2018 maidir le Gníomhaireacht an Aontais Eorpaigh chun Bainistiú Oibríochtúil a dhéanamh ar Chórais Mhórscála TF sa Limistéar Saoirse, Slándála agus Ceartais (eu-LISA), agus lena leasaítear Rialachán (CE) Uimh. 1987/2006 agus Cinneadh 2007/533/CGB ón gComhairle agus lena n-aisghairtear Rialachán (AE) Uimh. 1077/2011 (IO L 295, 21.11.2018, lch. 99).

- (11) Ní dochar an Rialachán seo do Threoir 2004/38/CE ó *Pharlaimint na hEorpa agus ón gComhairle*¹².
- (12) *I gcomhréir le hAirteagail 1 agus 2 de Phrótacal Uimh. 22 maidir le seasamh na Danmhairge, atá i gceangal leis an gConradh ar an Aontas Eorpach (CAE) agus leis an gConradh ar Fheidhmiú an Aontais Eorpaigh (CFAE), níl an Danmhairg rannpháirteach i nglacadh an Rialacháin seo agus níl sí faoi cheangal aige ná faoi réir a chur i bhfeidhm. Ós rud é go gcuireann an Rialachán seo le *acquis Schengen*, cinnfidh an Danmhairg, i gcomhréir le hAirteagal 4 den Phrótacal **sin**, laistigh de thréimhse 6 mhí tar éis don Chomhairle cinneadh a dhéanamh ar an Rialachán seo, an gcuirfidh sí chun feidhme ina dlí náisiúnta é. **I***

¹² *Treoir 2004/38/CE ó Pharlaimint na hEorpa agus ón gComhairle an 29 Aibreán 2004 maidir le ceart shaoránaigh an Aontais agus bhaill dá dteaghlaigh gluaiseacht agus cónaí faoi shaoirse ar chríoch na mBallstát lena leasaítear Rialachán (CEE) Uimh. 1612/68 agus lena n-aisghairtear Treoracha 64/221/CEE, 68/360/CEE, 72/194/CEE, 73/148/CEE, 75/34/CEE, 75/35/CEE, 90/364/CEE, 90/365/CEE agus 93/96/CEE (IO L 158, 30.4.2004, lch. 77).*

- (13) A mhéid a bhaineann a chuid forálacha le SIS arna rialú le Rialachán (AE) 2018/1862, tá Éire **rannpháirteach** sa Rialachán seo, i gcomhréir le hAirteagal 5(1) de **Phrótacal Uimh. 19** maidir le *acquis* Schengen arna lánpháirtiú i gcreat an Aontais Eorpaigh, atá i gceangal le **CAE** agus le **CFAE**, agus i gcomhréir le hAirteagal 6(2) de Chinneadh 2002/192/CE ón gComhairle **13**. **Thairis sin**, a mhéid a bhaineann a chuid forálacha le **Europol, Eurodac agus ECRIS- TCN**, **1** i gcomhréir le **hAirteagail 1 agus 2** de Phrótacal Uimh. 21 maidir le seasamh na Ríochta Aontaithe agus na hÉireann i dtaca leis an limistéar saoirse, slándála agus ceartais, atá i gceangal le CAE agus le CFAE, **agus gan dochar d'Airteagal 4 den Phrótacal sin, níl Éire rannpháirteach i nglacadh an Rialacháin seo, agus níl sí faoi cheangal aige ná faoi réir a chur i bhfeidhm.**

1

¹³ **Cinneadh 2002/192/CE ón gComhairle an 28 Feabhra 2002 maidir leis an iarraidh ó Éirinn a bheith rannpháirteach i roinnt forálacha de *acquis* Schengen (IO L 64, 7.3.2002, lch. 20).**

- (14) Maidir leis an gCipir agus leis an gCróit, ■ is é atá sa Rialachán seo gníomh atá ag cur le *acquis* Schengen nó atá gaolmhar leis ar dhóigh eile, de réir bhrí Airteagal 3(2) d'Ionstraim Aontachais 2003 agus Airteagal 4(2) d'Ionstraim Aontachais 2011 faoi seach. Maidir leis an gCróit, ní mór an Rialachán seo a léamh i gcomhar le Cinneadh (AE) 2017/733 ón gComhairle¹⁴ ■ .
- (15) Maidir leis an Íoslainn agus leis an Iorua, is é atá sa Rialachán seo ■ forbairt ar fhorálacha *acquis* Schengen de réir bhrí an Chomhaontaithe arna thabhairt i gcrích ag Comhairle an Aontais Eorpaigh agus Poblacht na hÍoslainne agus Ríocht na hIorua maidir le comhlachas an dá thír sin le *acquis* Schengen a chur chun feidhme, a chur i bhfeidhm agus a fhorbairt¹⁵, ar forálacha iad a thagann faoi réim an réimse dá dtagraítear in Airteagal 1, pointe ■ G, ■ de Chinneadh 1999/437/CE ón gComhairle¹⁶.

¹⁴ Cinneadh (AE) 2017/733 ón gComhairle an 25 Aibreán 2017 i ndáil leis na forálacha sin de chuid *acquis* Schengen a bhaineann le Córas Faisnéise Schengen a chur i bhfeidhm i bPoblacht na Cróite (IO L 108, 26.4.2017, lch. 31).

¹⁵ IO L 176, 10.7.1999, lch. 36.

¹⁶ Cinneadh 1999/437/CE ón gComhairle an 17 Bealtaine 1999 maidir le socruithe áirithe i dtaca le cur i bhfeidhm an Chomhaontaithe arna thabhairt i gcrích ag Comhairle an Aontais Eorpaigh agus Poblacht na hÍoslainne agus Ríocht na hIorua maidir le comhlachas an dá thír sin le *acquis* Schengen a chur chun feidhme, a chur i bhfeidhm agus a fhorbairt (IO L 176, 10.7.1999, lch. 31).

- (16) Maidir leis an Eilvéis, is é atá sa Rialachán seo **II** forbairt ar fhorálacha *acquis* Schengen de réir bhrí an Chomhaontaithe arna thabhairt i gcrích idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le *acquis* Schengen a chur chun feidhme, a chur i bhfeidhm agus a fhorbairt¹⁷, ar forálacha iad a thagann faoi réim an réimse dá dtagraítear in Airteagal 1, pointe **II** G, **II** de Chinneadh 1999/437/CE arna léamh i gcomhar le hAirteagal 3 de Chinneadh **2008/149/CGB** ón gComhairle¹⁸.

¹⁷ IO L 53, 27.2.2008, lch. 52.

¹⁸ ***Cinneadh 2008/149/CGB ón gComhairle an 28 Eanáir 2008 maidir le tabhairt i gcrích an Chomhaontaithe, thar ceann an Aontais Eorpaigh, idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le *acquis* Schengen a chur chun feidhme, a chur i bhfeidhm agus a fhorbairt (IO L 53, 27.2.2008, lch. 50).***

- (17) Maidir le Lichtinstéin, is é atá sa Rialachán seo forbairt ar fhorálacha *acquis* Schengen de réir bhrí an Phrótacail idir an tAontas Eorpach, an Comhphobal Eorpach, Cónaidhm na hEilvéise agus Prionsacht Lichtinstéin i ndáil le haontachas Phrionsacht Lichtinstéin leis an gComhaontú idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le *acquis* Schengen a chur chun feidhme, a chur i bhfeidhm agus a fhorbairt¹⁹, ar forálacha iad a thagann faoi réim an réimse dá dtagraítear in Airteagal 1, pointe **G**, de Chinneadh 1999/437/CE ón gComhairle arna léamh i gcomhar le hAirteagal 3 de Chinneadh **2011/350/AE** ón gComhairle²⁰.
- (18) Ba cheart, dá bhrí sin, Rialacháin **(AE) 2018/1862** agus **(AE) 2019/818** a leasú *dá réir sin*.

¹⁹ IO L 160, 18.6.2011, lch. 21.

²⁰ *Cinneadh 2011/349/AE ón gComhairle an 7 Márta 2011 maidir le tabhairt i gcrích an Phrótacail, thar ceann an Aontais Eorpaigh, idir an tAontas Eorpach, an Comhphobal Eorpach, Cónaidhm na hEilvéise agus Prionsacht Lichtinstéin i ndáil le haontachas Phrionsacht Lichtinstéin leis an gComhaontú idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le *acquis* Schengen a chur chun feidhme, a chur i bhfeidhm agus a fhorbairt, go háirithe a mhéid a bhaineann leis an gcomhar breithiúnach in ábhair choiriúla agus leis an gcomhar póilíneachta (IO L 160, 18.6.2011, lch. 1).*

- (19) *Ós rud é nach féidir leis na Ballstáit cuspóirí an Rialacháin seo, eadhon Rialacháin (AE) 2018/1862 agus (AE) 2019/818 a leasú chun Lárchóras ETIAS a nascadh le córais faisnéise AE eile agus le sonraí Europol agus chun na sonraí a sheolfar idir na córais faisnéise AE sin agus sonraí Europol a shonrú, a ghnóthú go leordhóthanach agus, de bharr a bhfairsinge agus a n-éifeachtaí, gur fearr is féidir iad a ghnóthú ar leibhéal an Aontais, féadfaidh an tAontas bearta a ghlacadh, i gcomhréir le prionsabal na coimhdeachta a leagtar amach in Airteagal 5 CAE. I gcomhréir le prionsabal na comhréireachta mar a leagtar amach san Airteagal sin, ní théann an Rialachán seo thar a bhfuil riachtanach chun na cuspóirí sin a ghnóthú.*
- (20) Chuathas i gcomhairle leis an Maoirseoir Eorpach ar Chosaint Sonraí, i gcomhréir le hAirteagal 41(2) de Rialachán (AE) 2018/1725 ó Pharlaimint na hEorpa agus ón gComhairle²¹,

TAR ÉIS AN RIALACHÁN SEO A GHLACADH:

²¹ Rialachán 2018/1725 ó Pharlaimint na hEorpa agus ón gComhairle an 23 Deireadh Fómhair 2018 maidir le daoine nádúrtha a chosaint i ndáil le sonraí pearsanta a phróiseáil ag institiúidí, comhlachtaí, oifigí agus gníomhaireachtaí an Aontais agus maidir le saorghluaiseacht sonraí den sórt sin, agus lena n-aisghairtear Rialachán (CE) Uimh. 45/2001 agus Cinneadh Uimh. 1247/2002/CE (IO L 295, 21.11.2018, lch. 39).

Airteagal 1
Leasuithe ar Rialachán (AE) 2018/1862

Leasaítear Rialachán (AE) 2018/1862 mar a leanas:

- (1) cuirtear an t-airteagal seo a leanas isteach:

‘Airteagal **18b**

Logaí a choinneáil chun críocha na hidir-inoibritheachta le ETIAS

Coinneofar logaí ar gach oibríocht próiseála sonraí a dhéantar in SIS agus sa Chóras Eorpach um Fhaisnéis agus Údarú Taistil (ETIAS) de bhun Airteagal **50b den Rialachán seo** i gcomhréir le hAirteagal 18 den Rialachán seo agus Airteagal 69 de Rialachán (AE)  2018/1240 ó Pharlaimint na hEorpa agus ón gComhairle*.

* Rialachán (AE) 2018/1240 ó Pharlaimint na hEorpa agus ón gComhairle an 12 Meán Fómhair 2018 lena mbunaítear Córas Eorpach um Fhaisnéis agus Údarú Taistil (ETIAS) agus lena leasaítear Rialacháin (AE) Uimh. 1077/2011, (AE) Uimh. 515/2014, (AE) 2016/399, (AE) 2016/1624 agus (AE) 2017/2226 (IO L 236, 19.9.2018, lch. 1).’;

(2) *in* Airteagal 44(1), cuirtear an pointe seo a leanas leis:

‘*(h)* an phróiseáil de láimh arna déanamh ag an Aonad Náisiúnta ETIAS ar iarratais ETIAS, de bhun Airteagal 8 de Rialachán (AE) 2018/1240.’;

(3) cuirtear *an t-airteagal* seo a leanas isteach:

‘Airteagal **49a**

Rochtain ar ■ shonraí **SIS** ag Láraonad ETIAS

1. Chun na cúraimí a thugtar dó le Rialachán (AE) 2018/1240 a fheidhmiú, beidh an ceart ag Láraonad ETIAS, a bunaíodh laistigh den Ghníomhaireacht Eorpach um an nGarda Teorann agus Cósta i gcomhréir le hAirteagal 7 den Rialachán sin, sonraí in SIS a rochtain agus a chuardach *i gcomhréir le hAirteagal 11(8) den Rialachán sin*. Beidh feidhm ag Airteagal 50(4) go (8) den Rialachán seo maidir le rochtain agus cuardaigh den sórt sin.

2. I gcás ina ndearbhaítear le fíorú arna dhéanamh ag Láraonad ETIAS *i gcomhréir le hAirteagal 22 agus Airteagal 23(2) de Rialachán (AE) 2018/1240* go gcomhfhreagraíonn na sonraí atá ar taifead i gcomhad iarratais ETIAS d'fholáireamh in SIS *nó i gcás ina bhfuil amhras fós ann tar éis fíorú den sórt sin a dhéanamh*, beidh feidhm ag Airteagail 23, 24 agus 26 den Rialachán sin.';

(4) cuirtear an t-airteagal seo a leanas isteach:

‘Airteagal 50b

Idir-inoibritheacht le ETIAS

1. Ó dháta thús oibríochtaí ETIAS, arna chinneadh i gcomhréir le hAirteagal 88(1) de Rialachán (AE) 2018/1240, beidh SIS Láir nasctha le **ESP** chun gur féidir na fíoruithe uathoibrithe de bhun Airteagal 20, Airteagal 23, **phointe (c)(ii)** d’Airteagal 24(6), Airteagal 41 agus **hpointe (b) d’Airteagal 54(1) den Rialachán sin** agus na fíoruithe dá éis sin dá bhforáiltear in Airteagail 22, 23 agus 26 den Rialachán sin a dhéanamh.

2. Chun críche ***dul ar aghaidh leis na*** fíoruithe dá dtagraítear i ***bpointí*** (a), (d) agus (m)(i) ***d’Airteagal 20(2) agus*** in Airteagal 23(1) de Rialachán (AE) 2018/1240, bainfidh Lárchóras ETIAS, mar a shainmhínítear i bpointe (25) d’Airteagal 3(1) den Rialachán sin, úsáid as ***ESP*** chun na sonraí dá dtagraítear in Airteagal 11(5) ***den*** Rialachán ***sin*** a chur i gcomparáid le sonraí in SIS, i gcomhréir le hAirteagal 11(8) den Rialachán sin.
3. ***Chun críche dul ar aghaidh leis na fíoruithe dá dtagraítear i bpointe (c)(ii) d’Airteagal 24(6) agus pointe (b) d’Airteagal 54(1) de Rialachán (AE) 2018/1240, bainfidh Lárchóras ETIAS úsáid as ESP chun a fhíorú cibé acu a scriosadh foláireamh maidir le doiciméid oifigiúla bhána nó doiciméid aitheantais a iontráladh in SIS, dá dtagraítear i bpointí (k) agus (l) d’Airteagal 38(2) den Rialachán seo, ba shiocair le húdarú taistil a dhiúltú, a neamhniú nó a chúlghairm.***

4. *I gcás ina n-iontráiltear foláireamh nua ■ in SIS ar dhoiciméad taistil ar tuairiscíodh ina leith gur cailleadh, gur goideadh, gur mídhílsíodh nó gur neamhbhailíodh é, déanfaidh **SIS Láir, i gcomhréir le hAirteagal 41(3) de Rialachán (AE) 2018/1240**, an fhaisnéis faoin bhfoláireamh sin a tharchur, trí úsáid a bhaint as uathphróiseáil agus as **ESP**, chuig Lárchóras ETIAS ionas go bhfíoróidh an córas sin an gcomhfhreagraíonn an foláireamh nua sin d'údarú taistil **baill**.'.*

Airteagal 2

Leasú ar Rialachán (AE) 2019/818

In Airteagal 68 de Rialachán (AE) 2019/818, cuirtear an mhír seo a leanas isteach:

- '1b. Gan dochar do mhír 1 den Airteagal seo, cuirfidh ESP tús le hoibríochtaí, chun críocha na bhfíoruithe uathoibrithe de bhun Airteagal 20, Airteagal 23, phointe (c)(ii) d'Airteagal 24(6), Airteagal 41 agus phointe (b) d'Airteagal 54(1) de Rialachán (AE) 2018/1240, agus chun na gcríoch sin amháin, a luaithe a chomhlíonfar na coinníollacha a leagtar síos in Airteagal 88 den Rialachán sin.'*

Airteagal 3
Teacht i bhfeidhm

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

■

Beidh an Rialachán seo ina cheangal go huile agus go hiomlán agus beidh sé infheidhme go díreach sna Ballstáit i gcomhréir leis na Conarthaí.

Arna dhéanamh in/i/sa ...,

Thar ceann Pharlaimint na hEorpa

Thar ceann na Comhairle

An tUachtarán

An tUachtarán